

Deporte Local

Florsheim Bambinos/La Moderna Sluggers ta duna HOMENAHE y honra nan miembro Teofilo "Vio" Wester



ORANJESTAD (AAN)- Dia 26 januari 2014, na tereno di Flatstone, e organisacion di Florsheim Bambinos, La Moderna lo duna un homenahe na sr. Teofilo "Vio" Wester. Vio ta bini di e barrio di Sabana Grandi, St. Cruz, casa cu sra. Linda Kock y nan tin dos yiu. Alabes mescos cu Vio su rumannan, primonan, sobrinonan y yiunan tambe a destaca den nos baseball y softball. Aki nos pormenciona Braulio, Raymundo, Adri, Gracindo, Ron, Raquel, Rocke y sigur su propio yiu Gilward.

Vio tambe ta un persona dedica na musica, un trayectoria largo den musica, e la toca cu Los Juveniles, Triple S, Papito y su Doble Sabor, Robert y Su Solo Banda Show, Son Cubano. Vio a yega di wordu nombra musico di aña. Actualmente e ta duna les di musica.

E ultimo añanan Vio a duna les di gymnastiek na scolnan basico y e tabata un persona masha keru pa e muchanan.

Kende ta Vio ariba e terenonan di Baseball y Softball:

Na un edad joven Vio a cuminsa practica baseball bow guia di su ruman Braulio Wester den e mundo di Little League. Pa hopi aña Vio a para umpire, score y hasta yuda coach team.

Hopi jong Vio a bira miembro di Marlboro BBC, y aki e a sa di pone un stempel cu un streya grandi tras di su number. Den e decada di 70, Aruba tabata conoce equiponan fuerte den nos baseball, y sigur bon picheo. No tabata facil pa kita e segunda base di Marlboro e tempo ey pero e a logre y cu hopi orguyo e la demostra cu e tabata merece dicho puesto. Vio a milita pa mas di 20 aña den Marlboro, den cual e la sabi di establece recordnan cu lo ta dificil pa supera den e siguiente añanan nos dilanti.

El a domina e posicion aki pa 24 aña, dus e tabata hunga e posicion aki regular. Pa varios temporada Vio no a ricibi ningun ponche, esaki ta algo masha dificil mes pero pa Vio tabata algo normal. Ni na Aruba y Antiyas tin otro segunda base cu a hasi mas doble play cu su persona. Sigur pa 20 aña Vio tabata e di dos bate den e line-up di Marlboro. Marlboro BBC a logra 5 Campeon Antiyano, Vio tabata un di e peloteronan cu a celebra esaki tur bez.

Hopi biaha e la forma parti di seleccion nacional Arubano y di Antiyas. Pa loko ta Antiyas na dos ocasion Vio a participa na e campeonato mundial di baseball y aki el a sali e mihor bateador den e torneo pa Antiyas. Esaki nan

ta logronan masha bunita. Den nos historia di baseball y softball, Vio ta un di e poco peloteronan cu a wordo selecciona pa representa Antiyas tanto pa baseball y softball y como hungador regular den ambos seleccion. Nos por menciona otronan cu e mesun logro aki ta Victor Albus, Karel Williams, Jozef Albus den feliz memoria, y asina tin algun mas.

Den e mesun manera Vio a hunga softball fast-pitch hopi aña pa e team di Aldo Travels y Ballantine Casa Haime. El a titula basta aña campeon den e equipo di Aldo y aki tambe el a representa Aruba den hopi seleccion. Vio a forma parti di seleccionnan Antiyano. Den Casa Haime aki tambe Vio a celebra e titulo di campeon pa despues representa Aruba na Valencia Venezuela den campeon de los Campeones.

Den e campeonato aki Vio a resulta e pisa clave pa Casa Haime a sali empata cu Puerto Rico na di tercer lugar, unda un total di 13 pais a competi. (Door cu Casa Haime a perde cu Puerto Rico, nan a keda tercero).

Tambe Vio a bira campeon cu Astros varios biaha pa loko ta torneonan local y ABC. Astros a participa na un campeonato na Miami, unda seleccionnan di varios pais ta bin hunga na un pro-level.

Den e torneo aki Vio a sabi di bati pa un average riba 400 cual no tabata facil sigur na e nivel di e seleccionnan presente.

Vio ta miembro di Bambinos Florsheim / La Moderna Sluggers pa 29 aña y semper e la presta ariba tereno manera cu e la hasie semper. E ta un persona cu ta duna 100 porciento asina e subi e veld di bala. Den e organisacion aki e ta un persona hopi stima y tabata yuda dirigi e team na varios ocasion. Aki tambe e la celebra campeon pa añanan largo. Varios biaha e la ser premia den e organisacion pa campeon bate, RBI of hit.

Vio a representa Aruba y Antiyas na varios pais (algun), Merca, Colombia, Cuba, Venezuela, Hulanda, Venezuela, Republica Dominicana, Puerto Rico, Mexico, Curacao, Boneiro, Sint Maarten y asina nos por sigui menciona paisnan.

Nos tin cu bisa cu Vio keto bai ta activo riba tereno di softball y cu e mesun alegria di semper cu su amigonan.

Teofilo "Vio" Wester, a termina su carrera tanto baseball AA y softball (fast-pitch) cu un batting average life-time riba 300. Masha poco pelotero por a logra esaki.

Den su carrera di baseball Vio a hunga cu bastante otro hungadornan pero e no ta lubidanan.

Semper e ta bisa e peloteronan ey ta mi brothernan tabata dificil pa menciona tur pero algo cu ta bunita pe tabata di por a hunga un partido di baseball hunto cu su yiu Gilward.

Den su propio palabranan:

"M'a hunga baseball den

un organisacion grandi esta Marlboro y cu peloteronan cu tabata duna 100% tanto na training y wega. Tanten e ultimo out no cai, bo no a ganami ainda"

Vio semper ta menciona e nombrenan manera Eli, Chu, Cai cai, Archie, Freddy, Nal, Victor, Richard, Felix, Halligan y hopi mas y e ta bisabo eseynan ta mi rumannan.

Vio su deseo mas grandi ta cu tur su amigonan bini dia 26 januari 2014, na veld di Flatstone. For di aki e ta manda un invitacion special pa su famia Wester stars pa ta na veld. Vio ta duna na tur esnan presente un regalo cu ta dos set di Son Cubano.

Deporte Local

Florsheim Bambino ta celebra dia Betico y ta homenagea Vio Wester

All Star Aruba Baseball Legends

Homenaje dedica na
Sr. Teofilo "Vio" Wester

	Marlboro	Marlboro	All Star Team
1	Teofilo Vio Wester	Rudy Angela	Winsor Janga
2	Alfred Freddy Rafini	Emiliano Thiel	Rock Angela
3	Elias Eli Kock	Erwin Croes	Johnny Thiel
4	Jesús Chu Halabi	Franklin Danies	Mariano Thiel
5	Victor Albus	Jimmy Tromp	Freddis Refunjol
6	Richard Simon	Lyle Rombly	Dennis Blijden
7	Richard Archie Williams	Rudney Lopez	Rafael Hodge
8	Karel Caical Williams	Gilmar Croes	Erick Lake
9	Juvenal Nai Nava	Pierre Richardson	Richard Wout
10	Halligan Hally Riley	Henry Burleson	Frits Romney
11	Felix Thiel	Ludwig Luti Burleson	Carlos Bikker
12	Johnnito Oduber	Pauz Ruiz	James Hazel
13	Eddy Tromp	Ro Agumbero	Robert Hayens
14	Robby Arambatsiz	Sito Ridderstap	Ronny Donata
15	Aubrey Maduro		Cecil Bronswinkel
16	Albert Ali Lake		Michael Jeandor
17	Alex Falconi		Mirto Kock
18	Roly Skiet Ponson		Wilbert Maduro
19	Mario Mai Koolman	Manager/Coachnan:	Junior Martinus
20	Caryll Kelly	Maiky Bislip	Manager: Mila Martinus
21	Raymond Whitey Williams	Rufus Arindell	
22	Louis Tromp	Gustavo Tatata Pablo	
23	Pedro Shon Papa de Windt	Casildo v/der Biezen	
24	Roberto Croes	Jesús Chu Halabi	
25	Raymundo Wester		
26	Claret Lopez		
27	Efraim Fachi Werleman		
28	Theobaldo Chobo Maduro		
29	Roberto Penja		
30	Hubert Abbot v/d Biezen		
31	Henry Barrera		
32	Nelson Nel Orman		
33	Frenk Kock		
34	Regino Maro Irausquin		
35	Gilbert Maduro		
36	Wilfred Fe v/d Biezen		
37	Gabriel Chiki Dijkhoff		
38	Milton Croes		
39	Rayborn Dider		
40	Nildo Wernet		

Diasabra Jan 25, 2014

Game time	TEAM NAME		TEAM NAME
09:30 - 11:00	Aruba Jrs. Liga 60	vs	Doushar Liga 60
11:15 - 12:45	Old Parr Boomerang Liga 50	vs	Deco's Classic Liga 50
13:00 - 14:30	Kenro Juwelers Liga 50	vs	Surprise Home Sweet Home Liga 50
15:00 - 16:15	San Nicolas Sluggers Liga 50	vs	Yani's Bulldozer Liga 50
16:30 - 18:00	Budlight Braves Liga 50	vs	Racketeers MNO Vervat Liga 50

ORANJESTAD (AAN)- Diasabra awor Florsheim Bambino lo tin un dia deportivo celebrando Dia di Betico. Y Diadomingo dia 26 nan lo tin un campeonato cu un homenaje pa Vio Wester., un pelotero di gran taya den e epocanan di 70 y 80. E weganan Diasabra ta cuminsa pa 9.30 di mainta y lo bay tin 5 wega. Pa Diadomingo lo bay tin tambe 5 wega caminda pa 12.30 di merdia lo bay tin un All Star

Game entre e hungadornan All Star di Marlboro 50/60 y All Star Aruba 50/60 dedica

na Vio Wester.

E weganan lo wordo hunga segun regla di Liga Mayor, pero lo permiti un hungador di 48 aña (riba tereno) si e hungador aki ta cumpli 49 aña prome cu 1 Juli 2014 of si e manager di respectivo team acepta pa hunga diferente. Ta suplica tur team en especial e teamnan cu ta habri torneo mainta pa ta na ora ariba ambos dia ya cu lo no tin waiting time.

Diadomingo 26 Januari 2014

Game time	TEAM NAME		TEAM NAME
09:00 - 10:30	San Nicolas Movers UTLT Liga 50	vs	Astros Powerade Liga 50
10:45 - 12:15	Kibaima Total Services Liga 50	vs	Aruba Juniors General Store LG Liga 50
12:30 - 14:00	All Star Marlboro 50/60 Homenaje Vio	vs	All Star Aruba 50/60 Homenaje Vio
14:15 - 15:45	Noord Eagle Stars Liga 50+	vs	Montaña Braves Liga 50+
16:00 - 17:30	Yani's Bulldozer Liga 60	vs	Dakota Nappa Liga 60